


Հաստատված է  
ՀՀ Լոռու մարզի Վարդաբլուր  
գյուղական համայնքի ավագանու  
21.02.2013թ. №005-Ն որոշմամբ  
Համայնքի ղեկավար *Մ.Բ.Կ.* /Ս. Ֆրանգյան /



## ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ԼՈՐԻ ՄԱՐԶ

ՎԱՐԴԱՔԼՈՒՐ ԳՅՈՒԴԱԿԱՆ ՀԱՄԱՅՆՔԻ  
2013 – 2016 թ.թ. ՍՈՑԻԱԼ-ՏՆՏԵՍԱԿԱՆ ԶԱՐԳԱՑՄԱՆ

ՔԱՌԱՄՅԱ ԾՐԱԳԻՐ

ԿԱԶՄԵՑ ՎԱՐԴԱՔԼՈՒՐ ԳՅՈՒԴԱԿԱՆ ՀԱՄԱՅՆՔԻ  
ՂԵԿԱԿԱՐ ՄԻՔԱՅԵԼ ՖՐԱՆԳՅԱՆԸ

## 1. ՀԱՄԱՅՆՔՈՒՄ ԻՐԱՎԻՃԱԿԻ ԳՆԱՀԱՏՈՒՄ

### Աշխարհագրական դիրքը, պատմական ակնարկ

Վարդաբլուր գյուղը հիմնվել է 17-րդ դարի 70-ական թվականներին: Գյուղը գտնվում է Լոռու մարզի կենտրոնական մասում՝ մարզկենտրոնից 28 կմ դեպի հյուսիս, ծովի մակերևույթից 1320 մ բարձրության վրա:

Կլիման ձմռանը մեղմ է, ամռանը՝ զով: Հաճախակի են անձրևաշատ տարիները (երաշտ հազվադեպ է լինում): Գերխոնավությունից հաճախ տուժում է դաշտավարությամբ զբաղվող գյուղացին:

### Ժողովրդագրություն

2013թ. հունվարի 1-ի տվյալներով գյուղում ապրում է 1477 մարդ, որից 707 տղամարդ և 770 կին: Բնակչության տարիքային, սոցիալական կազմն այսպիսին է.

- երեխաներ՝ 0-4 տարեկան - 109
- երեխաներ՝ 5-17 տարեկան - 220
- 18-62 տարեկան - 998
- 62 տարեկանից բարձր - 150
- թոշակառուներ - 171
- հաշմանդամներ - 34
- աշխատունակներ - 590

Գյուղի 445 տնտեսություններից 104-ն ընդգրկված է «Փարոս» համակարգի ընտանեկան նպաստառուների ցուցակում:

### Տեղական ինքնակառավարման մարմինները

Համայնքը կառավարվում է համայնքի ղեկավարի և համայնքի ավագանու կողմից (ընտրվում են չորս տարին մեկ անգամ): Համայնքի ղեկավարի աշխատակազմում ընդգրկված են համայնքի ղեկավարի տեղակալը, համայնքի ղեկավարի աշխատակազմի քարտուղարը, երկու գլխավոր մասնագետ, մեկ առաջատար մասնագետ և մեկ հավաքարար: Բյուջետային հիմնարկում՝ մանակապարտեզում ընդգրկված են մանկապարտեզի տնօրենը, դաստիարակը, դաստիարակի օգնականը, խոհարար-հավաքարարը և հաշվապահը:

### Համայնքի սեփականություն հանդիսացող գույքի ֆիզիկական վիճակը

Վարչական շենքը կառուցվել է անցած դարի 70-ական թվականներին, հիմնանորոգվել է 1997թ., ներկայումս նորոգման և կահավորման կարիք ունի:

Մշակույթի տունը ևս կառուցվել է անցած դարի 70-ական թվականներին, նորոգվել է 1999թ.: Ունի հիմնանորոգման կարիք:

Մանկապարտեզի շենքային պայմանները բավարար են, սենյակների և բակի (խաղահրապարակի) կահավորման կարիք ունի:

Խմելու ջրի ներքին ցանցն անցկացվել է 20-րդ դարի 60-ական թվականներին, բազմաթիվ տեղային նորոգումներն արդյունք չեն տվել, ցանցը պետք է նորացվի, որի համար մեծ ներդրումներ կպահանջվեն:

Համայնքի հոգևոր մշակույթի մեծագույն արժեքը՝ 1871թ. կառուցված «Սուրբ Աստվածածին» եկեղեցին, համայնքի բնակիչների և համայնքի ղեկավարության հոգածության կարիքն ունի:

## Շրջակա միջավայրի պահպանություն

Համայնքում աղբահանությունը կատարվում է կանոնավոր ձևով՝ ամիսը երկու անգամ, աղբահան տրակտորով:

Համայնքի միջով է անցնում Գարգար գետը, որի ափավազման վտանգավոր հատվածներն ամրացված են երկաթբետոնե կոնստրուկցիաներով և գաբիոններով:

Դաշտապաշտպան անտառաշերտերն իսպառ վերացվել են անբարեխիղճ հողատերերի ոչ հետևողական գործունեության պատճառով: Հողի վերին հորիզոնների հողմնահարումից խուսափելու համար անհրաժեշտ է վերականգնել անտառաշերտերը:

Համայնքի բնակիչներն ապահովված են խմելու ջրի շուրջօրյա մատակարարումով, սակայն, ցանցի մաշվածության պատճառով, վթարները և դրանց հետ կապված ջրամատակարարման ընդհատումները հաճախակի են:

## Բնակարանային տնտեսություն

Համայնքում կա 360 առանձնատուն՝ 30 հազ. քառ. մ բնակտարածքով: Բնակարանի կարիք ունեցող ընտանիքների թիվը 80 է, վագոն-տնակներում է ապրում 8 ընտանիք: Սոցիալ-տնտեսական ցածր մակարդակի պատճառով տուն կառուցելը կամ նորոգելը դարձել է անհնարին:

## Գյուղատնտեսություն

Համայնքի բնակիչները հիմնականում զբաղվում են կարտոֆիլի և ցորենի արտադրությամբ, անասնապահությամբ:

Չնայած այն բանին, որ վերջին տարիներին պետական աջակցությամբ տրվում են ցածր գներով ագրոտական պարարտանյութ և դիզ. վառելիք, այդուհանդերձ արտադրանքի գինը շատ ցածր է և գյուղատնտեսությունը կորցնում է իր շահութաբերությունը:

## Կրթություն

Համայնքում գործում է մեկ միջնակարգ դպրոց, այն ունի շենքային բավարար պայմաններ, ապահովված է կենտրոնացված ջեռուցման համակարգով, խմելու ջրի մշտական մատակարարմամբ:

Դպրոցի մանկավարժների թիվը 26 է, աշակերտներինը՝ 155:

## Մշակույթ, սպորտ, հոգևոր դաստիարակություն

Համայնքն ունի մշակույթի տուն, որը 2000թ. նորոգվել է համայնքի բյուջեի հաշվին: Մշակույթի տանը կա 130 նստատեղով դահլիճ, որտեղ հաճախ են կազմակերպվում համայնքային տարաբնույթ միջոցառումներ և համերգներ: Այժմ այն ունի հիմնանորոգման կարիք: Նորոգումից հետո կկահավորվի խաղասենյակը, որտեղ երիտասարդները կանցկացնեն իրենց ակտիվ հանգիստը:

Համայնքում կա ֆուտբոլի դաշտ, մարզադահլիճ, ուստի երիտասարդությունն սպորտով զբաղվելու հնարավորություն ունի:

Գյուղի 1876թ. կառուցված “Սուրբ Աստվածածին” եկեղեցին 2003թ. մասնակի նորոգվել է համայնքի բյուջեի հաշվին: Համայնքի բնակիչները շաբաթ և կիրակի օրերին այցելում են եկեղեցի:

## Առողջապահություն

Գյուղում գործում է մեկ բժշկական ամբուլատորիա, որը կառուցվել է ՀՍՆՀ-ի կողմից:

մից 2001թ.՝ համայնքի 10% ներդրումով: Շենքը բարվոք վիճակում է, ամբուլատորիան ապահովված է առաջին անհրաժեշտության բժշկական սարքավորումներով, ունի 4 աշխատող:

### Համայնքի ուժեղ կողմերը

— Համայնքն ունի մոտ յոթ տասնյակ բարձրագույն կրթությամբ մասնագետներ, որոնք կարողանում են կազմակերպել և իրականացնել կրթության ու դաստիարակության, սպորտային, մշակութային, շինարարական աշխատանքներ:

— Գյուղից մեկ կիլոմետր դեպի հարավ կա խճաքարի հանք, որի հումքը կարելի է օգտագործել համայնքի կարիքների համար:

— Գյուղում կա 19-րդ դարի եկեղեցի, 1941-1945թթ. Հայրենական Մեծ պատերազմում զոհված համազյուղացիների հիշատակին նվիրված հուշարձան, 6-րդ դարում կառուցված մատուռ, Կիկլոպյան ամրոց (XII-XIII դ.դ.), կանաչապատ գոտիով լճերի համակարգ, որոնց շնորհիվ կարելի է զարգացնել զբոսաշրջությունը և հովելությունը գյուղում:

— Համայնքում գործում են երկու ավրաղաց, որոնցից օգտվում են նաև հարևան գյուղի բնակիչները:

— Գյուղում առկա գյուղատնտեսական տեխնիկայի ու գործիքների քանակը թույլ է տալիս գյուղատնտեսական աշխատանքները կատարել ժամանակին և ագրոտեխնիկական սեղմ ժամկետներում:

### Համայնքի թույլ կողմերը

— Ներհամայնքային ճանապարհների անմխիթար վիճակը:

— Խմելու ջրի ցանցի վատթարագույն վիճակը:

— Ամուսնությունների և ծնելիության նվազումը բնակարանային ու տնտեսական վիճակի հետ կապված:

— Աշխատատեղերի անբավարարությունը:

— Գյուղացու եկամուտների տարեցտարի նվազումը գյուղատնտեսական մթերքների սպառման ցածր գների հետ կապված:

— Բնական աղետներից (հիմնականում՝ կարկուտից) գյուղացու անպաշտպանվածությունը, չնայած այն բանին, որ 2012թ-ին հատկացվել է 1 հակակարկուտային կայան:

### Համայնքի հնարավորությունները

— Մեծ աշխատուժի առկայություն:

— Գյուղատնտեսական մշակաբույսերի սերմնարտադրությամբ զբաղվելու փորձ և կարողություն:

— Ուղղակի ընտրություններով համայնքի ղեկավարի ընտրության հնարավորություն:

### Համայնքին սպառնացող վտանգները

— Խմելու ջրի ներհամայնքային ցանցում հաճախակի վթարների պատճառով ցանքատարածքների ջրալվացումը (բերքի անհարկի կորուստներ), կեղտաջրերի ներթափանցումը ջրացանց (համաճարակային հիվանդությունների առաջացում և տարածում):

— Տնտեսական ցածր մակարդակի հետևանքով հարկերի և վարձավճարների գանձման դժվարությունների պատճառով համայնքի բյուջեի եկամտային մասի թերակատարումը:

— Վերջին տարիներին հաճախակի դարձած կարկտահարություններից գյուղատնտեսությանը հասցվող վնասները:

— Գյուղացու նկատմամբ պետական հոգածության անբավարար մակարդակը՝ գյուղմթերքների իրացման հետ կապված:

## 2. ՀԱՄԱՅՆՔԻ ՈԱԶՄԱՎԱՐՈՒԹՅՈՒՆԸ ԵՎ ՀԻՄՆԱԿԱՆ ՆՊԱՏԱԿՆԵՐԸ

### Ռազմավարությունը

Բարեփոխումներ անցկացնելու ճանապարհով հետևողականորեն բարելավել համայնքի բնակչության սոցիալ-տնտեսական, մշակութային ու հոգևոր կյանքը, գյուղը դարձնել գեղեցիկ, բարեկարգ և ամենաբարեկեցիկ համայնքներից մեկը:

### Նպատակները

— Զարգացնել գյուղատնտեսությունը (դաշտավարություն և անասնապահություն) համայնքում:

— Համայնքի բնակչությանն ապահովել շուրջօրյա ջրամատակարարումով՝ բացառելով սուր վարակիչ հիվանդությունների տարածումը ջրի միջոցով:

— Կազմակերպել համայնքի բնակչության էլ ավելի հագեցված մշակութային և հոգեվոր կյանքը:

— Նպաստել գյուղատնտեսական մշակաբույսերի կազմակերպված և անկորուստ բերքահավաքի անցկացմանը:

## 3. ԸՍՏ ԱՌԱՆՁԻՆ ԲՆԱԳԱՎԱՌՆԵՐԻ ԱՌԱՋՆԱՀԵՐԹ ԾՐԱԳՐԵՐԻ, ՆՊԱՏԱԿՆԵՐԻ ԱՌԱՋԱԴՐՈՒՄ ԵՎ ԿՈՆԿՐԵՏ ԽՆԴԻՐՆԵՐԻ ՁԵՎԱԿԵՐՊՈՒՄ

### ԾՐԱԳԻՐ - 1

#### ԽՄԵԼՈՒ ՋՐԻ ՑԱՆՑԻ ՀԻՄՆԱՆՈՐՈԳՈՒՄ

#### ՆԵՐԱԾՈՒԹՅՈՒՆ

Գյուղի ջրամատակարարման համակարգը կառուցվել է անցած դարի 60-ական թըվականներին: Ջրագծի երկարությունը մոտ 8 կմ է:

#### ԾՐԱԳՐԻ ՆԿԱՐԱԳՐՈՒԹՅՈՒՆՆ ՈՒ ՀԻՄՆԱՎՈՐՈՒՄԸ

Քառասուն և ավելի տարիների վաղեմություն ունեցող խմելու ջրի ներքին ցանցը համարյա 80%-ով շարքից դուրս է եկել: Առանձին տեղային նորոգումներն այլևս օգուտ չեն բերում, նախ՝ տնտեսապես չահավետ չէ, երկրորդ՝ կարճ ժամանակով է էֆեկտ տալիս: Ուստի համայնքի առաջնահերթ խնդիրն է խմելու ջրի ներհամայնքային ցանցի հիմնանորոգումը:

Սույն ծրագրով առաջարկվում է հիմնանորոգել խմելու ջրի ներհամայնքային ցանցը:

#### ԾՐԱԳՐԻ ՆՊԱՏԱԿՆ ՈՒ ԽՆԴԻՐՆԵՐԸ

Ծրագրի հիմնական նպատակներն են.

- ապահովել համայնքի բնակիչներին խմելու ջրի շուրջօրյա մատակարարումով;
- նվազեցնել խողովակների մաշվածությունից առաջացող ջրի կորուստները;

- ջրագծի շրջակայքի հողի սեփականատերերին փրկել բերքի անհարկի կորուստներից և հողերի ջրալվացումից;
  - կանխել կեղտաջրերի ներթափանցումից առաջավոր սուր վարակիչ հիվանդությունները:
- Ծրագրի իրագործման համար անհրաժեշտ է լուծել մի շարք կարևոր խնդիրներ.
- որոնել և գտնել դոնոր կազմակերպություն;
  - կնքել պայմանագիր այդ կազմակերպության հետ, որի համաձայն ծրագրով պահանջվող գումարի 85%-ը կհատկացվի այդ կազմակերպության կողմից, իսկ 15%-ը համայնքային բյուջեից;
  - կազմել ծրագրի իրականացման նախագծա-նախահաշվային փաստաթղթերը;
  - ձեռք բերել ծրագրի իրականացման համար անհրաժեշտ նյութատեխնիկական միջոցներ;

## ԾՐԱԳՐԻՑ ՍՊԱՍԿՈՂ ԱՐԴՅՈՒՆՔՆԵՐԸ

Ծրագրի իրականացումով համայնքը կապահովվի շուրջօրյա ջրամատակարարումով, նվազագույնի կհասցվեն ջրի կորուստները, կբարելավվեն գյուղացիների սոցիալ-տնտեսական պայմանները:

## ԾՐԱԳՐԻ ՖԻՆԱՆՍԱԿԱՆ ՄԻՋՈՑՆԵՐԻ ԳՆԱՀԱՏՈՒՄ

Նախնական մոտավոր հաշվարկներով 8 կմ երկարությամբ ջրագծի հիմնանորոգման աշխատանքների արժեքը կկազմի 35 մլն. դրամ:

## ԾՐԱԳԻՐ – 2 ՄԱՐԶԱԴԱՀԼԻՃԻ ՎԵՐԱՆՈՐՈԳՈՒՄ

### ՆԵՐԱԾՈՒԹՅՈՒՆ

Մարզադահլիճը, որը տեղակայված է դպրոցի տարածքում (դպրոցին կից) կառուցվել է 1999թ-ին համայնքի ուժերով: Մարզադահլիճի հատակը և ներկարարական աշխատանքները կատարվել են « ՓԵ » կազմակերպության օգնությամբ:

### ԾՐԱԳՐԻ ՆԿԱՐԱԳՐՈՒԹՅՈՒՆՆ ՈՒ ՀԻՄՆԱՎՈՐՈՒՄԸ

Մարզադահլիճի հատակի փայտյա կոնստրուկցիաները փտում են՝ վարակված են սըն-կային հիվանդությամբ: Մի անգամ «Վորդ Վիժն» կազմակերպության միջոցներով հատակի մի հատվածը վերանորոգվել է, բայց ապարդյուն: Որպեսզի հետագայում ևս նման դեպքեր չկրկնվեն, որոշվել է կառուցել ռետինե ժամանակակից հատակ՝ նախատեսված հատուկ մարզադահլիճների համար բետոնյա ծածկույթի վրա: Քանի որ այստեղ պարապում են և՛ դպրոցի աշակերտները, և՛ ունենք արևելյան մարզածների խմբակ, շատ կարևոր է մարզադահլիճի շուտափույթ վերանորոգումը:

### ԾՐԱԳՐԻ ՆՊԱՏԱԿՆ ՈՒ ԽՆԴԻՐՆԵՐԸ

- Ծրագրի նպատակներն են.
  - ունենալ բարձրակարգ մարզադահլիճ;
  - ապահովել դպրոցի աշակերտների ֆիզկուլտուրա առարկայի դասավանդումը:
  - ապահովել երեխաների ֆիզիկական կոփվածությունը:
- Ծրագրի իրագործման խնդիրներն են.
- գտնել ֆինանսավորման աղբյուր՝ ծրագիրն իրականացնելու համար;
  - ապահովել համայնքի կողմից պահանջվող ներդրումը;

## ԾՐԱԳՐԻՑ ՍՊԱՍԿՈՂ ԱՐԴՅՈՒՆՔՆԵՐԸ

Ծրագրի իրականացումը կնպաստի ապագա սերնդի ճիշտ զարգացմանը, երեխաները կմեծանան առողջ, կլինեն ուժեղ, հաճախակի կանցկացվեն մարզական միջոցառումներ:

## ԾՐԱԳՐԻ ՖԻՆԱՆՍԱԿԱՆ ՄԻՋՈՑՆԵՐԻ ԳՆԱՀԱՏՈՒՄ

Ծրագիրն իրականացնելու համար կպահանջվի մոտ 6.0 մլն. դրամ:

## ԾՐԱԳԻՐ – 3 ՄՇԱԿՈՒՅԹԻ ՏԱՆ ՎԵՐԱՆՈՐՈԳՈՒՄ

### ՆԵՐԱԾՈՒԹՅՈՒՆ

Մշակույթի տունը կառուցվել է 1970-ական թվականներին: Ունեցել է 300 նստատեղով դահլիճ: Երկրաշարժի ժամանակ մոտ 40%-ով շենքը վնաս է կրել: Հետագայում՝ 1999թ. մշակույթի տան սպորտդահլիճը, որն ավելի քիչ էր վնասվել, ձևափոխվել և դարձվել է 120 նստատեղով դահլիճ:

## ԾՐԱԳՐԻ ՆԿԱՐԱԳՐՈՒԹՅՈՒՆՆ ՈՒ ՀԻՄՆԱԿՈՐՈՒՄԸ

Քառասուն և ավելի տարվա վաղեմություն ունեցող շենքը ունի կապիտալ վերանորոգման կարիք: Տանիքի ագրեցմենտյա թիթեղներով ծածկը ամբողջությամբ և փայտյա կոնստրուկցիաները 70%-ով ենթակա են փոխման: Պետք է փոխվի նաև դռներն ու պատուհանները: Կկատարվի հատակի վերանորոգման և հարդարման աշխատանքներ, ինչպես նաև դահլիճի կահավորում:

## ԾՐԱԳՐԻ ՆՊԱՏԱԿՆ ՈՒ ԽՆԴԻՐՆԵՐԸ

Ծրագրի նպատակներն են.

- ապահովել համայնքի բնակիչների հանգիստը:
- կշատանան համերգային և թատերական ներկայացումները:
- համայնքի բնակիչները ավելի շատ կշփվեն մշակույթի հետ:

Ծրագրի իրագործման խնդիրներն են.

- գտնել ֆինանսավորման աղբյուր՝ ծրագիրն իրականացնելու համար;
- ապահովել համայնքի կողմից պահանջվող ներդրումը:

## ԾՐԱԳՐԻՑ ՍՊԱՍԿՈՂ ԱՐԴՅՈՒՆՔՆԵՐԸ

Ծրագրի իրականացումը կնպաստի համայնքի բնակչության մշակութային զարգացմանը, ազատ ժամանակը խաղասենյակներում անցկացնելուն: Համայնքում կազմակերպվող միջոցառումները կանցկացվեն մշակույթի տանը:

## ԾՐԱԳՐԻ ՖԻՆԱՆՍԱԿԱՆ ՄԻՋՈՑՆԵՐԻ ԳՆԱՀԱՏՈՒՄ

Ծրագիրն իրականացնելու համար կպահանջվի մոտ 20 մլն. դրամ:

## ԾՐԱԳԻՐ – 4 ՆԵՐՀԱՄԱՅՆՔԱՅԻՆ ՃԱՆԱՊԱՐՀՆԵՐԻ ԲԱՐԵԿԱՐԳՈՒՄ

### ՆԵՐԱԾՈՒԹՅՈՒՆ

Ներհամայնքային ճանապարհների երկարությունը 8 կմ է, որից 2 կմ կենտրոնական ճանապարհն է, որը 2 տարի առաջ ասֆալտապատվել է :  
Մնացած մոտ 6 կմ ճանապարհը գրունտա-խճաքարային են, որտեղ երկար ժամանակ կապիտալ վերակառուցում չի կատարվել:

### ԾՐԱԳՐԻ ՆԿԱՐԱԳՐՈՒԹՅՈՒՆՆ ՈՒ ՀԻՄՆԱՎՈՐՈՒՄԸ

Ծրագիրն իր մեջ ներառում է ճանապարհների կառուցում ավագախճային խառնուրդով, ինչպես նաև մոտ 500 մ երկարությամբ և 1 մ լայնությամբ մայրի կառուցում միջհամայնքային ճանապարհից մինչև դպրոց:

### ԾՐԱԳՐԻ ՆՊԱՏԱԿՆ ՈՒ ԽՆԴԻՐՆԵՐԸ

- Ծրագրի հիմնական նպատակն է.
- ապահովել տրանսպորտի բոլոր միջոցների համար բավարար երթևեկության պայմաններ տարվա բոլոր եղանակներին;
  - վերացնել ճանապարհների ջրափոսերը:
- Ծրագրի խնդիրները.
- կատարել խճաքարի ու ավազի խառնուրդի փռում ներհամայնքային ճանապարհներին;
  - այս աշխատանքները պետք է կատարվեն ժամանակ առ ժամանակ:

### ԾՐԱԳՐԻՑ ՍՊԱՍԿՈՂ ԱՐԴՅՈՒՆՔՆԵՐԸ

Ծրագրի իրականացումից կօգտվեն համայնքի բոլոր բնակիչները: Կունենանք հարթ և չոր ճանապարհ և՛ մեքենաների և՛ հետիոտնի համար::

### ԾՐԱԳՐԻ ՖԻՆԱՆՍԱԿԱՆ ՄԻՋՈՑՆԵՐԻ ԳՆԱՀԱՏՈՒՄ

Ծրագրի իրականացման համար կպահանջվի մոտ 8 մլն դրամ , որը կարող է կապարվել մաս-մաս, տարեկան որոշակի հատվածներով՝ ըստ ունեցած ֆինանսական միջոցի հաշվով:

Բացի վերը նշված ծրագրերից համայնքում կան նաև այլ հիմնախնդիրներ, առավել կարևոր են՝

- Գյուղապետարանի վարչական շենքի վերանորոգում
- Ոռոգման ցանցի վերանորոգում
- «Սուրբ Աստվածածին» եկեղեցու վերանորոգում

#### 4. ՀԱՄԱՅՆՔԻ ՖԻՆԱՆՍԱԿԱՆ ՄԻՋՈՑՆԵՐԻ ԳՆԱՀԱՏՈՒՄ ԵՎ ԿԱՆԽԱՏԵՍՈՒՄ

Համայնքում կոնկրետ ծրագիր իրականացնելու համար նախ անհրաժեշտ է գնահատել և կանխատեսել ֆինանսական միջոցները, այնուհետև շփվել միջազգային այնպիսի կազմակերպությունների հետ, որոնք նպատակ ունեն Հայաստանի Հանրապետությունում զարգացնել և ուժեղացնել գյուղական համայնքները: Վարդաբլուր համայնքն այս առումով՝ միջազգային նման կազմակերպությունների հետ շփման մեծ փորձ ունի. մի շարք ծրագրեր արդեն իրականացվել են նրանց հետ համատեղ (լճերի համակարգ, կանաչապատ գոտի, ալրաղացի կառուցում, գյուղատնտեսական երեք ծրագիր ՀՊԾ-ի հետ, մարզադահլիճի ներքին հարդարում ՓԵ-ի հետ, մարզահրապարակի կառուցում «Վորլդ Վիժն Հայաստան»-ի հետ և ուրիշներ):

Վարդաբլուր համայնքի ֆինանսական միջոցների գնահատումը և կանխատեսումը  
Հազար դրամ

	Եկամուտի տեսակը	2011թ. փաստա- ցի	2012թ. փաստա- ցի	2013թ. կանխա- տեսում	2014թ. կանխա- տեսում	2015թ. կանխա- տեսում	2016թ. կանխա- տեսում
	Եկամուտներ ընդամենը	22052.2	20499.9	25441.7			
Ա	Հարկային եկամուտներ	5560.3	4603.4	6811.1			
1	Հողի հարկ	4922.7	3490.5	5513.1	5513.1	5513.1	
2	Գույքահարկ	637.6	1112.9	1298.0			
Բ	Տուրքեր	49.9	121.9	179.0			
1	Տեղական տուրքեր	49.9	121.9	179.0			
Գ	Ըչ հարկային եկամուտներ	14593.9	15274.1	16210.1			
1	Պահուստային հողի վ.վճար	1000.0	852.5	1502.4	1502.4	1502.4	
Դ	Դոտացիա	13593.9	14421.6	14707.7			
Ե	Տարեսկզբին ազատ մնացորդ	1848.1	500.5	2241.5			